



Republika e Kosovës
Republika Kosova - Republic of Kosovo
Qeveria - Vlada - Government
Ministria e Punës dhe Mirëqenies Sociale
Ministarstvo Rada i Socijalne Zastine – Ministry of Labour and Social Welfare

Prishtinë 05 Shkurt 2018

**Thirrje publike për mbështetje financiare publike për projektet e OJQ-ve të
licencuara nga MPMS-ja në fushën e shërbimeve sociale dhe familjare**

1. *Ministria e Punës dhe Mirëqenies Sociale* u bënë thirrje të gjitha organizatave jo-qeveritare të regjistruara në Republikën e Kosovës (te licencuara nga MPMS), programi i punës i të cilave është i fokusuar në mbrojtjen, rehabilitimin dhe ri-integrimin e kategorive në nevojë sociale, të aplikojnë për mbështetje financiare për projektet që kontribuojnë në zbatimin e objektivave dhe aktiviteteve në fushën e shërbimeve sociale dhe familjare.

2. OJQ-të në përputhje me këtë thirrje publike mund të aplikojnë me projektet e tyre për ofrimin e shërbimeve sociale dhe familjare si në vijim:

- 2.1. Shërbime rezidenciale për mbrojtjen e fëmijëve të abuzuar dhe neglizhuar;
- 2.2. Shërbime alternative dhe këshillime për zhvillimin e strehimit familjar për fëmijë;
- 2.3. Shërbime alternative për mbrojtje të fëmijëve të braktisur;
- 2.4. Shërbime ditore dhe në familje për fëmijë dhe të rritur me aftësi të kufizuara;
- 2.5. Shërbime ditore dhe në familje për personat e moshuar dhe pa përkujdesje familjare;
- 2.6. Shërbime rezidenciale dhe ditore për mbrojtjen e viktimave të dhunës në familje dhe viktimave të trafikimit;

3. Organizatat jo-qeveritare mund të aplikojnë me një projekt që kontribuojnë në promovimin e mbrojtjes sociale përmes aktiviteteve si më poshtë:

4. Vlera totale e planifikuar e thirrjes është 400,000.00 euro.

Shuma minimale e mbështetjes financiare që mund të alokohet për çdo projekt individual është 10,000.00 euro, ndërsa shuma maksimale për një projekt është 35,000.00 euro.

5. Afati i fundit për dorëzimin e propozimeve është 15 ditë pune dhe përfundon me datën 23 Shkurt 2018.

6. OJQ-të mund të aplikojnë me më së shumti një (1) projekt në kuadër të kësaj thirrje.

7. Periudha e zbatimit të projektit është për 8-10 muaj. E njëjta OJQ mund të jetë partnere në disa projekte në fushat prioritare të thirrjes.

8. Të drejtë aplikimi me projektet e tyre kanë OJQ-të që janë të regjistruara në regjistrin e organizatave jo-Qeveritare në Republikën e Kosovës dhe të cilat janë të licencuara nga MPMS-ja.

9. OJQ-të aplikuese duhet të dëshmojnë se programi i tyre i punës është i fokusuar në ndonjërin nga llojet e shërbimeve sociale dhe familjare të përfshirë në kuadër të kësaj thirrje publike.

10. OJQ-të duhet po ashtu të kenë kryer transaksionet financiare në mënyrë transparente sipas legjislacionit për OJQ-të në Republikën e Kosovës dhe në përputhje me rregullat e kontabilitetit si dhe të kenë përmbushur detyrimet kontraktuale *ndaj ofruesit të mbështetjes financiare* dhe të gjithë ofruesve tjerë të mbështetjes financiare publike.

11. Para nënshkrimit të kontratës, OJQ duhet të paraqesë prova se personi përgjegjës në OJQ dhe menaxheri i projektit nuk janë nën hetime për vepra penale, si dhe prova se OJQ-ja ka zgjidhur çdo çështje të hapur rreth pagesës së kontributeve dhe tatimeve të papaguara, nëse është e aplikueshme.

12. Propozimet do të dorëzohen vetëm në formularët e paraparë, të cilat së bashku me Udhëzimet për Aplikantët, janë në dispozicion në faqen e internetit të *Ministrisë së Punës dhe Mirëqenies Sociale*

13. Dokumentet e kompletuara duhet të dërgohen me postë ose personalisht, në adresën e mëposhtme:

Ministria e Punës dhe Mirëqenies Sociale –Ndërtesa e Re e MPMS-së pranë Hotel Grandit, Sheshi Zahir Pajaziti, N.N, 10000, Prishtinë, Zyra e Arkives në MPMS.

14. Procesi i pranimit, hapjes dhe shqyrtimit aplikacioneve, vlerësimit të aplikacioneve, kontraktimi, dhënia e fondeve, koha dhe mënyra e parashtrimit të ankesave, trajtimi i dokumenteve dhe kalendarin tregues i zbatimit të thirrjes janë të detajuara në *Udhëzimet për aplikuesit e thirrjes publike*.

15. Do të konsiderohen për mbështetje financiare vetëm projektet që janë pranuar brenda afatit të paraparë me këtë thirrje publike, dhe të cilat i përmbushin plotësisht kushtet e përcaktuara të thirrjes publike.

16. Të gjitha çështjet që lidhen me thirrjen publike mund të sqarohen vetëm në mënyrë elektronike, tek Znj. Adile Basha Shaqiri-Zyrtare e lartë në Divizionin e Shërbimeve Sociale ,duke e kontaktuar përmes e-mailit në adresën; adile.shaqiri@rks-gov.net